



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ad annum Christi 1563

Fleury, Claude

August. Vind. [u.a.], 1771

VD18 90118618

§. 56. Responsum Synodi ad Biragi sermonem.

[urn:nbn:de:hbz:466:1-66653](https://nbn-resolving.org/urn:nbn:de:hbz:466:1-66653)

Sæcul. XVI.
A. C. 1526.

§. LVI.

*Responsum Synodi ad Biragi
sermonem.*

*Pallav. l. 21.
l. 3. u. 8.*

Hoc responsum Biragum, & ceteros
Franciæ Oratores adeo commove-
bat, ut illud potius responsionis repul-
sam esse censerent: ut ergo illos pla-
carent Patres, aliquo post tempore a-
liud responsum hujus tenoris redde-
bant: „ Summopere lætata est Synodus
„ quibusdam abhinc mensibus ob victo-
„ riam, quam Deus concessit Regi chri-
„ stianissimo adversus veræ Religionis
„ hostes, ideo divinæ miserationi publi-
„ cas grates egit: postea autem cum
„ paucos ante dies, prius per publicam
„ famam, & dein per Biragum Præli-
„ dem Regis nomine perciperet causas,
„ quibus adductus Rex fuerat ad arma
„ deponenda, merito illata in Religionis,
„ ac Regni perturbatores, tantundeni-
„ mæroris in Patres incidit, eoquod sum-
„ mis, & æquissimis votis expetiissent,
„ ut Regi licuisset in fide catholica
„ tuenda persistere, nec se coactum cer-
„ neret ad cogitandum de pace, ante-
„ quam Ecclesiæ hostes ex animo ad
„ Deum a se indigne desertum rediis-
„ sent: jam vero, quando res ad tam
„ infaustam conditionem devenerunt
„ cum extremo proborum omnium dolo-
„ ris

„ris sensu, divina Clementia fervidis, af- Sæcul. XVI.
 „fiduisque precibus exoranda est, ut pa- A.C. 1563.
 „cis consilia prosperiorem eventum,
 „quam antea belli artes, consequeren-
 „tur: siquidem nullum regnum in se
 „divisum diu consistere potest, nec Rex
 „unicus populis, qui Religionem uni-
 „cam non amplectuntur, imperare va-
 „let; verumtamen accepta Regis chri-
 „stianissimi legatione, per maximam vo-
 „luptatem a Patribus fuit perceptum,
 „quod Parisiis nobilissima in urbe sum-
 „ma constantia, summumque confer-
 „vandæ, propugnandæque veræ Reli-
 „gionis studium efferbuerit: quamdiu e-
 „nim urbs illa, Galliæ Metropolis, clarissi-
 „maque disciplinarum omnium fedes
 „persistet haud taminata, ab ipsa tan-
 „quam a capite catholicam doctrinam
 „in subjectas provincias diffusum iri,
 „sperare licebit: interim vero Synodus,
 „ut sui muneris partes expleat, ad-
 „monet, ac rogat per viscera Jesu
 „Christi christianissimam Reginam, ut
 „id, quod ipsa pollicebatur, exequi, ac
 „solicitudinem omnem, omnemque
 „suam operam eo impendere velit, ut
 „tenellus Regis animus imbuatur, ac
 „firmetur veræ pietatis cultu, atque o-
 „bedientia in Apostolicam Sedem, ea-
 „que divina indoles, quam in puero ad-
 „mirantur omnes, una cum ætate cref-
 „cat,

Sæcul. XVI.
A. C. 1563.

„cat, proculque semper ab omni conta-
„gione pestilentis doctrinæ remotus sit,
„ut tandem uberrimos fructus, at-
„que utilitates Majorum suorum glo-
„riæ, & Christianorum omnium expe-
„ctationi pares reddere valeat: nec mi-
„nus eadem Synodus illam rogat, ut
„auctoritate sua, quæ maximi in Re-
„gno debet esse ponderis, apud omnes
„Franciæ Ordines omnem adhibeat co-
„natum, quatenus hæretici concilia-
„tis animis ad unitatem Ecclesiæ re-
„vocentur. Ceterum quacunque in
„re Synodo licuerit Reginæ studium
„ad Religionem restituendam juvare,
„nunquam passura est, ut quidquam in-
„dustriæ, ac pietatis suæ desiderari
„possit: ideo præter communem Ec-
„clesiæ universæ correctionem, tem-
„porum conditioni consentaneam, suam
„quoque operam navabit, ut ea præ-
„scribantur, quæ ex afflatu Sancti Spi-
„ritus ad Gallicarum Ecclesiarum utili-
„tatem conferre cognoverit.,

§. LVII.

*Hoc responsum approbatum, &
acceptatum*

*Pallav. c. 3.
n. 10.*

Præterquam hæc responsio in usum
deduceretur, eadem in Congrega-
tione die septimo Junii habita præle-
gebatur præsentibus cunctis Patribus,
quibus